

ОТМЛАРИДА “ГАП БЎЛАКЛАРИ” МАВЗУСИНИ ЎТИШДА ИНТЕРФАОЛ УСУЛЛАРДАН ФОЙДАЛАНИШ

Қодирова Нилуфар ЖДПИ талабаси

Илмий раҳбар: Ибрагимов Хайрулла

Хозирги кунда таълим-тарбия жараёнида замонавий ўқитиш методлари-интерактив методлар, инновацион технологияларнинг ўрни ва роли жуда муҳимдир. Педагогик технология ва педагогик маҳоратга оид билим, тажриба ҳамда интерактив методлар талаби ўқувчиларни билимли ва ҳар томонлама етук бўлишларини таъминлайди. Шундай экан, замонавий ўқитиш методлари-интерактив методлар, инновацион технологиялар ва шунга ўхшаш метод ва технологияларни дарс жараёнига тадбиқ қилиш айни мақсадга мувофиқдир. Қуйида биз “Гап бўлаклари” мавзусини ўтишда мана шундай метод ва технологияларга қисқача тўхталиб ўтамиз.

Дастлаб ўқувчиларнинг бошланғич ва умумий билимларини аниқлаш ҳамда мавзуга олиб кириш мақсадида “Ақлий ҳужум” методидан фойдаланамиз.

“Ақлий ҳужум” методи - бирор муаммо бўйича таълим оловчилар томонидан билдирилган эркин фикр ва мулоҳазаларни тўплаб, улар орқали маълум бир ечимга келинадиган методdir. “Ақлий ҳужум” методининг ёзма ва оғзаки шакллари мавжуд. Оғзаки шаклида таълим берувчи томонидан берилган саволга таълим оловчиларнинг ҳар бири ўз фикрини оғзаки билдиради. Таълим оловчилар ўз жавобларини аниқ ва қисқа тарзда баён этадилар. Ёзма шаклида эса берилган саволга таълим оловчилар ўз жавобларини қоғоз карточкаларга қисқа ва барчага кўринарли тарзда ёзадилар. Жавоблар доскага (магнитлар ёрдамида) ёки «пинборд» доскасига (игналар ёрдамида) маҳкамланади. “Ақлий ҳужум” методининг ёзма шаклида жавобларни маълум белгилар бўйича гуруҳлаб чиқиш имконияти мавжуддир. Ушбу метод тўғри ва ижобий қўлланилганда шахсни эркин, ижодий ва ностандарт фикрлашга ўргатади. “Ақлий ҳужум” методидан

фойдаланилганда таълим олувчиларнинг барчасини жалб этиш имконияти бўлади, шу жумладан таълим олувчиларда мулоқот қилиш ва мунозара олиб бориш маданияти шаклланади. Таълим олувчилар ўз фикрини фақат оғзаки эмас, балки ёзма равища баён этиш маҳорати, мантиқий ва тизимли фикр юритиши кўнигмаси ривожланади. Билдирилган фикрлар баҳоланмаслиги таълим олувчиларда турли ғоялар шаклланишига олиб келади. Бу метод таълим олувчиларда ижодий тафаккурни ривожлантириш учун хизмат қиласи. “Ақлий ҳужум” методи таълим берувчи томонидан қўйилган мақсадга қараб амалга оширилади:

Саволлар (муаммо):

- 1.** Гап бўлакларини қандай белгиларига кўра қай усулларда ажратамиз?
- 2.** Гап бўлакларини қандай турларга ажратамиз?
- 3.** Нима учун гап бўлакларини бош ва иккинчи даражали бўлакларга ажратамиз?
- 4.** Гап ҳосил қилишда эга ва кесимнинг иштироки ва уларнинг қайси бири мухим аҳамиятга эга?

2- босқич. Бу босқичда юқоридаги саволларнинг ҳар бирини алоҳида интерфаол усуллар орқали кўриб чиқамиз.

1-савол юзасидан Т-чизма график органайзерини қўллаймиз.

Т-чизма мунозара вақтида қўшалоқ жавоблар (ҳа/йўқ, тарафдор/қарши) ёки таққослаш зид жавобларни ёзиш учун универсал график органайзер ҳисобланади. Масалан “**Гап бўлакларини белгилаш**” мавзусини “тарафдор ва қарши” тамойилига асосланиб, бир жуфт ўқувчи қўйида келтирилганидек Т-чизмани тузиши ва беш минутдан кейин, чизманинг чап томонида **Гап бўлакларини белгилаш усулларини** беш минут ичида қанча ўйлаб топиш мумкин бўлган шунча усулни ёзиши мумкин. Сўнгра беш минут мобайнида улар бу фикрга қарши иложи борича кўп сабабни келтиришлари керак. Ана

шу вақт охирида улар яна беш минут мобайнида ўз Т-чизмаларини бошқа жуфтлик чизмалари билан таққослашлари мумкин.

Гап бўлакларини белгилаш мумкин бўлган усуллар	Гап бўлакларини белгилаш мумкин бўлмаган усуллар
<p>1. Сўроқ бериш усули орқали аниқлаш мумкин. Масалан: Ким, нима, қаер сўроқларидан бирига жавоб бўлган гап бўлаги эга дейилади.</p> <p>2. Синтактик алоқа асосида боғланган сўзларнинг биридан иккинчисига сўроқ бериш усули орқали аниқлаш мумкин. Масалан: У келди</p> <p>3. Сўз туркумларига қараб аниқлаш мумкин. Масалан: Эга кўпинча от билан, кесим эса феъл билан ифодаланади.</p> <p>4. Гап бўлакларини уларнинг грамматиш шаклланишига қараб аниқлаш мумкин. Масалан: қаратқич келишигидаги сўз аниқловчи, тушум келишигидаги сўз тўлдирувчи васифасида келади.</p>	<p>1. Сўроқ бериш усули орқали аниқлаш мумкин эмас. Масалан: Биз кетдик, хола.</p> <p>2. Синтактик алоқага киришган хар қандай икки сўзга сўроқ буриш орқали аниқлаб бўлмайди.</p> <p>Масалан: Соғлигим- бойлигим.</p> <p>3. Сўз туркумларига қараб аниқлаш мумкин эмас, чунки эга ва кесим от билан ҳам феъл билан ҳам ифодаланиши мумкин.</p> <p>4. Гап бўлакларини уларнинг грамматиш шаклланишига қараб аниқлаш мумкин эмас. Масалан: Пахтани завқ билин тердим. Хол Пахтани машина билин тердим. Тўл.</p>

2-саволимизга Кластер методи орқали аниқлик киритиб оламиз.

“Кластер” лотинча сўз бўлиб, “тунча, боғлам” маъносини англатади. Кластер методи бирор объект, предмет, тушунча билан боғлик бўлган атамалар, сўзлар, ибораларни жамлаш ва ўзаро боғлиқликда кўргазмали

шаклда ифода этишдан иборат. Шунга кўра бу методни ахборотларни ёйиш методи деб хам аташ мумкин. Мазкур метод турли хил тушунчалар, ғоялар ўртасидаги боғлиқликларни муайян тизимли график шаклда тасвирлаш орқали улар туғрисида бирмунча яққол фикрлаш имкониятини беради.

3-саволга аниқлик киритиш мақсадида қўйидаги методлардан фойдаланамиз.

Концептуал жадвал. Учта ва ундан кўп жиҳатлар ёки саволларни таққослаш тақозо этилганида ушбу усул айниқса фойдали бўлади. Жадвал қўйидагича тузилади: вертикал бўйича таққосланадиган нарсалар, горизонтал бўйича эса – ушбу таққослаш бажариладиган хусусият ва хоссалар жойлаштирилади.

Масалан концептуал жадвал орқали Гап бўлакларини таққослаб кўрсатиш мумкин.

Гап бўлаклари	Сўроғи	Қайси бўлакларга тobelаниб келади.	Ифодаланиши
--------------------------	---------------	---	--------------------

Ушбу жадвал талабалар томонидан тўлдирилади

4-савол юзасидан “Case-study” методини қўллаймиз

“Гап бўлаклари” мавзусини ўқитишида интерфаол усуллардан фойдаланиш ўз мақсади ва моҳиятига кўра анъанавий таълимдан фарқ қилиб, таълим олувчининг ички имкониятларини номоён қилиш ва ривожлантириш учун қулай шароитни яратишга хизмат қиласи.

Бунда таълим олувчиликнинг ўзини ўқув фаолиятининг субъекти сифатида ҳис қилишлари, ўз устида ишлашлари ҳамда ўз-ўзини ривожлантиришлари мухим аҳамият касб этади.

